

a jedan član iz reda vijećnika Općinskog vijeća Stari Grad Sarajevo.

- (5) Opći uslovi koje podnosioci prijava na Javni poziv iz stava (3) ovog člana moraju ispuniti:
- Pravno lice da je upisano u sudski registar najmanje 2 (dvije) godine prije prijave na javni poziv ili fizičko lice da je registrovano za obavljanje djelatnosti najmanje 2 (dvije) godine prije prijave na javni poziv;
  - Uredno finansijsko poslovanje;
- (6) Pored općih uslova, koje podnosioci zahtjeva moraju ispuniti, kriterij za dodjelu lokacija za postavljanje samostalnih rashladnih uređaja, koji nisu uz poslovne prostore je najveći ponuđeni iznos naknade. Ponuđeni iznos naknade ne može biti manji od cijena utvrđenih u stavu (2) ovog člana.
- (7) Općinski načelnik vrši dodjelu lokacija po osnovu izvještaja Komisije o provedenom Javnom pozivu, na period april – oktobar (jedna sezona), uz mogućnost produženja najviše za još jednu sezonu, nakon čega se ponovno raspisuje javni poziv."

Član 3.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-440/24  
Aprila 2024. godine  
Sarajevo

Predsjedavajući  
Općinskog vijeća  
Stari Grad Sarajevo  
Seid Škaljić, s. r.

## OPĆINA TRNOVO Općinski načelnik

Na osnovu člana 13. Pravilnika o utvrđivanju i načinu vođenja registra budžetskih korisnika ("Službene novine Federacije BiH", broj 30/14) i u skladu sa članom 4. Odluke o uspostavi budžetskih korisnika Općine Trnovo ("Službene novine Kantona Sarajevo", broj 03/18), utvrđuje se

### REGISTAR BUDŽETSKIH KORISNIKA OPĆINE TRNOVO ZA 2025. GODINU

| Redni broj budžetskog korisnika iz Registra (RBK broj) | Naziv budžetskog korisnika | Identifikacioni broj (ID broj) | Adresa budžetskog korisnika |
|--|----------------------------|--------------------------------|-----------------------------|
| 1  | 5                          | 9                              | 10                          |
| 00013  | OPĆINA TRNOVO              | 4200308790006                  | Trnovo b.b.,<br>Trnovo      |

Registar objavit u "Službenim novinama Kantona Sarajevo".

Broj 02-04-2211/24  
23. maja 2024. godine  
Trnovo

Općinski načelnik  
Ibro Berilo, s. r.

## SLUŽBENE OBJAVE

### MINISTARSTVO KULTURE I SPORTA KANTONA SARAJEVO

Na osnovu člana 9. stav (2) Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i 13/22), a u vezi sa Zakonom o filmskoj djelatnosti ("Službene

novine Kantona Sarajevo", br. 7/01 i 45/21), ministar kulture i sporta Kantona Sarajevo donosi

### PRAVILNIK O PROCEDURAMA I KRITERIJIMA ZA IZBOR KORISNIKA SREDSTAVA ZA SUFINANSIRANJE PROIZVODNJE DUGOMETRAŽNOG FILMA, KRATKOG FILMA I RAZVOJA DRAMSKIH SERIJA IZ SREDSTAVA MINISTARSTVA KULTURE I SPORTA KANTONA SARAJEVO ZA 2024. GODINU

#### I - OPĆE ODREDBE

Član 1.  
(Predmet)

Ovim pravilnikom uređuje se osnova za korištenje sredstava Ministarstva kulture i sporta Kantona Sarajevo (u daljem tekstu: Ministarstvo); način raspoređivanja sredstava; procedure za izbor korisnika sredstava; formiranje komisije za provjeru pristigle dokumentacije i procjenu kvalitete i izvodljivosti prijavljenih projekata; opći uslovi koje podnosioci prijave trebaju ispuniti te relevantna dokumentacija kako bi mogli konkurisati za dodjelu sredstava; posebni uslovi na osnovu kojih se ocjenjuju prijave, obrasci za prijavu projekta; popis priloga odnosno dodatne dokumentacije koju je potrebno priložiti uz prijavu i dokumentaciju; kriteriji za izbor korisnika i druga pitanja značajna za zakonit i efikasan rad Ministarstva i podrške filmskoj produkciji u Kantonu Sarajevo.

Član 2.

(Svrha korištenja sredstava)

- (1) Osnovna svrha ovog pravilnika je obezbjeđivanje sredstava za stimuliranje, razvoj i unapređivanje filmskog stvaralaštva i filmske proizvodnje u Kantonu Sarajevo, a naročito u domenu:
- proizvodnje filmova i razvoja dramskih serija;
  - očuvanja i unapređenja kulturnih vrijednosti u oblasti kinematografije;
  - doprinosu ukupnom razvoju kulture;
  - podrške mladim filmskim stvaralocima (starosti od 18 do 35 godina), debitantima (prvi i drugi film) i ženama;
  - promovisanja Kantona Sarajevo kao filmske lokacije i filmskog produkcijskog centra u Bosni i Hercegovini i regiji;
  - značajnog doprinosa razvoju BH kinematografije;
  - podrške filmskim projektima koji su od interesa/značaja za Kanton Sarajevo ili doprinose razvoju i afirmaciji ovog kantona (promocija Kantona Sarajevo, Bosanskohercegovačkih reditelja, tematike, itd.), a u izuzetnim slučajevima i filmski projekti koji su od interesa/značaja za građane Kantona Sarajevo, a realizuje se izvan područja ovog kantona.
- (2) Posebni ciljevi korištenja sredstava Ministarstva, namijenjenih filmskoj produkciji u skladu sa ovim pravilnikom, su:
- promoviranje estetskih vrijednosti u svim žanrovima u oblasti kinematografije;
  - podrška kontinuitetu afirmiranih vrijednosti filmske proizvodnje;
  - podsticanje inovativnih pristupa filmskoj umjetnosti i filmskom stvaralaštvu.